



ՄԻՋԵԿԵՂԵՑԱԿԱՆ, ԿԵՆԴԱՆԻ ԿԱՊԵՐ

Սույն թվականի ապրիլի 10—24 օրերին, ԱՄՆ-ի «Քրիստոնեական Եկեղեցիների Ազգային խորհրդի» (ՔԵԱՆ) հրավերով, Միացյալ Նահանգներ ուղևորվեցին Սովետական Միության Եկեղեցիների ներկայացուցիչները: Պատվիրակության կազմի մեջ էր նաև Նոր-Նախիջևանի և Ռուսաստանի հայոց թեմի առաջնորդական տեղապահ հոգեշնորհ Տիրան վրդ. Կյուրեղյանը:

Ապրիլի 10-ին պատվիրակության անդամները ժամանեցին Չիկագո: Սովետական Միության Եկեղեցիների ներկայացուցիչները էկումենիկ հանդիպումներ ունեցան տեղի պանապան եկեղեցական և աշխարհիկ կազմակերպությունների հետ:

Ապրիլի 13-ին պատվիրակության անդամները խմբերի բաժանված ներկա եղան տեղի Եկեղեցիներում մատուցված ս. պատարագների արարողություններին: Հաջորդ օրերին Էվանսթն քաղաքում տեղի ունեցան հանդիպումներ ՔԵԱՆ-ի և Սովետական Միության Եկեղեցիների ներկայացուցիչների միջև: Երկուստեք զեկուցումներ կարդացվեցին, որոնց նյութն էր՝ Եկեղեցու ունեցած ներդրումը իրենց ժողովուրդների մշակույթի և պատմության՝ անցյալի և ներկայի մեջ: Հանդիպումներից մեկում զեկուցումով հանդես եկավ նաև հոգեշնորհ Տիրան վրդ. Կյուրեղյանը և ընդգծեց Հայ Եկեղեցու մեծագույն և բազմակողմանի նպաստը հայ մշակույթի նվաճումներին: Չեկուցումներից հետո տեղի էին ունենում կործինների աշխույժ փոխանակություններ:

Ապրիլի 17—22 օրերին պատվիրակության անդամները բաժանվեցին վեց փոքր խմբերի և մեկնեցին Նահանգներ՝ տարբեր քաղաքների եկեղեցական հարանվանությունների հետ հանդիպումներ ունենալու:

Հոգեշնորհ Տիրան վրդ. Կյուրեղյանն ու Ռուս Ուղղափառ Եկեղեցու երկու ներկայացուցիչներ եղան Միջիգանի Նահանգի վեց

քաղաքներում և էկումենիկ հանդիպումներ ունեցան տեղի եկեղեցական կազմակերպությունների ներկայացուցիչների և մամուլի աշխատողների հետ:

Ապրիլի 22-ին պատվիրակության անդամները հավաքվեցին Նյու Յորքում, որտեղ կազմակերպվեց հանդիպում ՔԵԱՆ-ի գլխավոր քարտուղար Հարրի Բրաուների և Սովետական Միության Եկեղեցիների ներկայացուցիչների միջև:

Ապրիլի 24-ին, առավոտյան, պատվիրակության անդամները մեկնեցին Մոսկվա:

*
*
*

Սույն թվականի հունիսի 18-ին փոխադարձ էկումենիկ այցով Սովետական Միության քաղաքամայր Մոսկվա ժամանեց ԱՄՆ-ի ՔԵԱՆ-ի կողմից՝ 138 հոգուց բաղկացած մի պատվիրակություն՝ ղեկավարությամբ Մարտին Բելլի:

Պատվիրակության անդամները բաժանվելով խմբերի ուղևորվեցին Միության տարբեր քաղաքներ՝ ծանոթանալու եկեղեցական հարանվանությունների եկեղեցական և ազգային կյանքին: Խմբերից երկուսը եղան Սովետական Հայաստանում:

Առաջին խումբը (22 հոգի)՝ ղեկավարությամբ Կառլոս Հարվիդի և Բոբ Փրայսի, հունիսի 23-ին ժամանեցին Երևան: Նրանք ծանոթացան քաղաքի տեսարժան վայրերին, այցելեցին մշակութային կենտրոններ, երեկոյան ներկա եղան Պարի Պետական համույթի համերգին:

Հաջորդ օրը հարգելի հյուրերը այցելեցին Չվարթնոց, Ս. Հռիփսիմե վանք, Մայր Աթոռ Սուրբ Էջմիածին, որտեղ ծանոթացան եկեղեցական առօրյային:

Սույն օրը, Վեհաբանում, խմբի անդամներին ընդունեց Ամենայն Հայոց Վեհափառ Հայրապետը: Վեհափառ Հայրապետը խմբի



ՎԵՆԷԶՈՒՆԱՆԻ ՀԱՅԿԱՊՈՍՏՈՍԱԿԱՆ ԵԿԵՂԵՑԻՆԵՐԻ ԱԶԳԱՅԻՆ ԽՈՐՀՐԴԻ ԱՆԴԱՄՆԵՐԻ ՀԵՏ ՎԵՆԵԶՈՒՆԱՆԻ ԱՌՋԵՎ
(26 հունիսի 1986 թ.)

անդամներին ընդարձակ տեղեկություններ տվեց Հայաստանյայց Առաքելական Եկեղեցու դարավոր գործունեության մասին:

Հետ միջօրեին հյուրընկալվողները ուղևորվեցին Գառնի, Ս. Գեղարդա վանք, որտեղ վանահայր Տ. Եղիշե քին. Սարգսյանը հյուրասիրություն կազմակերպեց ի պատիվ հարգարժան հյուրերի:

Հունիսի 25-ին ամերիկացի հյուրերը հյուրընկալ Սովետական Հայաստանից մեկնեցին եղբայրական Վրաստանի քաղաքամայր Թբիլիսի:

*
*
*

Նույն օրը Թբիլիսիից Երևան ժամանեց ՔԵԱՍ-ի պատվիրակության երկրորդ խումբը (23 հոգի)՝ գլխավորությամբ Ժերար Վամուսի և Դոն Նիդի:

Հյուրերը ծանոթանալով Հայաստանի քաղաքամայր Երևանի կարևոր պատմական-մշակութային օջախներին՝ ուղևորվեցին Էջմիածին. այցելեցին վանքերը և Մայր Աթոռ Սուրբ Էջմիածնի թանգարանները:

Նույն օրը, Վեհարանում, հյուրերին ընդունեց Ամենայն Հայոց Վեհափառ Հայրապետը: Հարցալուսիցի ընթացքում Վեհափառ Հայրապետը հյուրերին ծանոթացրեց Հայ Եկեղեցու և հայ ժողովրդի անցած դժվարին և հերոսական պատմական ճանապարհին, անդրադարձավ արդի ժամանակներում Հայ Առաքելական Սուրբ Եկեղեցու միջեկեղեցական հարաբերություններում ունեցած կարևոր դերին և նշանակությանը:

Հունիսի 27-ին հյուրերը «Զվարթնոց» օդանավակայանից ջերմ և անմոռանալի տպավորություններով մեկնեցին Լենինգրադ:

Հայաստան այցելած ԱՄՆ-ի ՔԵԱՍ-ի պատվիրակության անդամներին ուղեկցում էր Նոր Նախիջևանի և Ռուսաստանի հայոց թեմի առաջնորդական տեղապահ հոգեջնորդ Տիրան վրդ. Կյուրեղյանը:

*
*
*

Սույն թվականի մարտի 28-ին, Մոսկվայի Դանիլովի վանքում, տեղի ունեցավ հանդիսավոր նիստ՝ նվիրված Ռուս Եկեղեցու Պատրիարքության «Արտաքին Եկեղեցական Հարաբերությունների Բաժնի» (ԱԵՀԲ) հիմնադրմանը:

Հանդիսության գլխավոր բանախոսն էր ԱԵՀԲ-ի պատասխանատու քարտուղար Ա. Ս. Բուևսկին: Հարգելի պեկուցողը իր խոսքի մեջ անդրադարձավ նաև Հայ Եկեղեցու՝ միջեկեղեցական հարաբերություններում ցուցաբերած կարևոր մասնակցության՝ խաղաղության ամրապնդման և ժողովուրդների բարեկամության ի նպաստ, որպես ապացույց մատնանշեց երջանկահիշատակ Գեվորգ Զ կաթողիկոսի և Վազգեն Ա Վեհափառ Հայրապետի հայրենասիրական նախաձեռնությունները՝ խաղաղությանը նպաստող միջեկեղեցական ժողովներ գումարելու գործում:

Ապա ողջույնի ելույթներ ունեցան զանազան եկեղեցական հարանվանությունների ներկայացուցիչներ:

Հանուն Հայաստանյայց Առաքելական Սուրբ Եկեղեցու պեկուցումով հանդես եկավ Նոր Նախիջևանի և Ռուսաստանի հայոց թեմի առաջնորդական տեղապահ Տ. Տիրան վրդ. Կյուրեղյանը:

Երափակիչ խոսքով ելույթ ունեցավ ԱԵՀԲ-ի նախագահ, Մինսկի և Բելոռուսիայի միտրոպոլիտ Ֆիլարետը: Ելույթի ընթացքում միտրոպոլիտ Ֆիլարետը անդրադարձավ Հայ Առաքելական Սուրբ Եկեղեցու միջեկեղեցական հարաբերություններում ունեցած մեծ ներդրումին, ընթերցեց Վեհափառ Հայրապետի ջնորհավորական հեռագիրը հանդիսության մասնակիցներին:

*
*
*

Սույն թվականի հունիսի 14—17 օրերին, Էստոնիայում, տեղի ունեցավ «Եվրոպական Եկեղեցիների Համաժողով» (ԵԵՀ) անդամների IX գլխավոր նիստի պատգամավորների խորհրդակցություն՝ Պլուխտիցայի Ուսպենսկի կուսանոցում:

Նիստը գլխավորում էր ԵԵՀ-ի անդամ Վիկտոր Տալինսկի և Էստոնիայի միտրոպոլիտ Ալեքսին: Նիստին ներկա էր նաև ԵԵՀ-ի գլխավոր քարտուղար դոկ. Գ. Ուլլյամսը:

Միջոցառմանը հանուն Հայ Առաքելական Սուրբ Եկեղեցու իր մասնակցությունը բերեց՝ Նոր Նախիջևանի և Ռուսաստանի հայոց թեմի առաջնորդական տեղապահ՝ հոգեջնորդ Տիրան վրդ. Կյուրեղյանը:

ԹԶԹԱԿԻՑ